

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 26.06.2018թ. թիվ 1808192017 որոշման հիմքում դրված փաստական հանգամանքների դեմ բերված գանգատն առանց բավարարման թողնելու մասին

<<12>> 07 2018թ. 17-13-78248-18/17-13-9098

ք. Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե. Կարապետյան, վերանայելով Վարդգես Ավետիսյանի դիմումի քննարկման արդյունքում ստեղծված նյութերը՝

Պ Ա Բ Զ Ե Ց Ի

Երևան քաղաքի Փ. Բուզանդի փողոցի 91 շենքի 20 բնակարանի բնակիչ Վարդգես Ավետիսյանը դիմումով հայտնել է, որ <<MERCEDES-BENZ>> մակնիշի 080VA80 հաշվառման համարանիշի տրանսպորտային միջոցը վարել ինքը, ուստի խնդրել է վերանայել տվյալ ժամանակահատվածում կատարված երթևեկության կանոնների խախտման համար կայացված ճանապարհային ոստիկանության վարչական տույժ նշանակելու մասին 20.06.2018թ. թիվ 1808165959 և 26.06.2018թ. թիվ 1808192017 որոշումները, որոնց հետ համաձայն չէ:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն՝ Վարդգես Ավետիսյանը ճանաչվել է որպես իրավախախտում կատարած անձ, ուստի նրա կողմից ներկայացված գանգատը ենթակա է քննության:

ՀՀ կառավարության <<<< ճանապարհային երթևեկության կանոնները և տրանսպորտային միջոցների շահագործումն արգելող անսարքությունների և պայմանների ցանկը հաստատելու մասին>> թիվ 955-Ն որոշման 18-րդ կետի համաձայն՝ լուսացույցի կամ կարգավորողի արգելող ազդանշանի դեպքում վարորդը պետք է կանգ առնի <<Կանգ-գիծ>> գծանշման առջև:

Դիմումի քննարկման արդյունքում պարզվել է, որ դիմումատուի փաստարկը վարչական ակտն անվավեր ճանաչելու հիմք չի կարող հանդիսանալ, քանի որ իրավախախտումն ամրագրած տեսանյութն հստակ ապացուցում է 02.06.2018թ. ժամը՝ 18:09-ին դիմումատուի կողմից Երևան քաղաքի Ամիրյան - Զաքիյան - Քոչինյան խաչմերուկի հատվածում <<Կանգ գիծ>> գծանշումը լուսացույցի արգելող ազդանշանի ներքո հատելու և երթևեկությունը շարունակելու փաստը:

Այսպիսով, դիմումատուի արարքում ակնհայտ է Վարչական իրավախախտումների վերաբերյալ ՀՀ օրենսգրքի 124.3-րդ հոդվածի 1-ին մասի զանցակազմը, հետևաբար նրան վարչական պատասխանատվության ենթարկելու մասին որոշումն իրավաչափ է և օրինական:

Ինչ վերաբերվում է թիվ 1808165959 որոշմանն, ապա դիմումատուի նույնաբովանդակ դիմումի հիմքով հարուցված վարչական վարույթի արդյունքում 04.07.2018թ. կայացվել է՝ 17-13-75389-18/17-13-6082 որոշումը՝ վարչական տույժ նշանակելու մասին վերը նշված որոշման հիմքում դրված փաստական հանգամանքների դեմ բերված գանգատն առանց բավարարման թողնելու մասին և 06.07.2018թ. վերջինիս անվամբ կայացվել է թիվ 1808254273 որոշումն, ուստի դիմումը դրա մասով քննարկման ենթակա չէ:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Վարդգես Ավետիսյանի՝ Ճանապարհային ոստիկանության վարչական տույժ նշանակելու մասին 26.06.2018թ. թիվ 1808192017 որոշման հիմքում դրված փաստական հանգամանքների դեմ բերած գանգատը թողնել առանց բավարարման:
2. Հանձնարարել ՏՄՀԽԱ կենտրոնին, Վարդգես Ավետիսյանի անվամբ կայացնել նոր վարչական ակտ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Վարդգես Ավետիսյանին և ՃՈ ՏՄՀԽԱ կենտրոն:

Կատարող՝ Ա. Ղափլանյան

